

ثم طارت

الحياة لفت ودارت
والسنين سندات خطانا تاتا تاتا
ثم فالتنا وطارت
وإحنا لسة زي ما حنا ؟
ولّا حدوتة وصارت
الصحاب لسه معنا ؟
لسه وسط الضحك
سامعينّا ف بكانا !
لسه لمتنا تفرّح
ولا هنتلاقي صدفة
لسه إحنا زي ما حنا
ولا ضعنّا في الحياة !
كنا نمشي ويّا صاحبنا يغني

صوتنا يقرف آه صحيح

بس بنغني معاه

والحياة بعدت طرقنا

مبقتش ليه سامع غناه

دا الحياة لفت ودارت

والسنين خطفت الحلو إيلي فينا

ثم طارت !..